



UNIVERSITÄTS-
BIBLIOTHEK
PADERBORN

Universitätsbibliothek Paderborn

Series Actorvm Omnivm In Canonizatione Sancti Thomae a Villanova, Cognomento Eleemosynarij

Romae, 1658

Fr. Philippus Vicecomes Episcopus Catsacensis.

urn:nbn:de:hbz:466:1-9857

ma, & processu, & Relationibus Eminentissimorum Patrum, audiui, Beatus Thomas de Villanoua, Valentia Archiepiscopus dignus videtur, qui in numero Sanctorum in coelesti Regno degentium referatur.

Ioannes Baptista Repuccius Episcopus Viciaequeus.

Beatum Thomam Sacris aris, Apostolicae Sedis decreto, ad mouendum, suadent praecleara eius gesta, & miracula publicis documentis legitime comprobata: & quidem, tantum hoc sydus in Ecclesia emicare. S. V. beneficio optandum existimo, ut ij potissimum, qui Episcopale munus suscipiunt, quae suae sint partes agnoscant, sequere non ad commoda, non ad diuitias, sed ad labores, & sollicitudines pro Dei gloria vocatos aduertant; in coque liceat illis propius intueri, Ecclesiasticae pecuniae usum ad pietatem sibi tantummodo demandatum: Merita igitur, & virtutes amplissimi Viri exposcunt, ut ei publici honores decernantur, in quibus Dei gloria renouetur, & augeatur, & in splendoribus Sanctorum elucescat Pastoribus Israel Diuina virtus, in firmamentum Ecclesiae.

Fr. Philippus Vicecomes Episcopus Catiacensis.

Beatiss. Pater. Heroica virtus ab ambre dicta, per quam, solemniter Seruus Dei B. Thomas in albu Sanctorum referendus est, in eo miro modo fulsit; nam Charitas, teste Apostolo, non quaerit, quae sua sunt: sed quae Iesu Christi. B. Thomas non quaesuit, quae sua sunt. A pueritia, quia crescente secum miseratione, vestes, & alimenta sua pauperibus erogauit. Ab adolescentia, quia septemdecim annos natus propriam domum cum toto patrimonio in foundationem coenobij Virginum contulit. A Iuuentute, quia relicto saeculo, Religionem S. P. Augustini ingressus est. A virilitate, quia Granatensem Archie-

Archiepiscopatum recusavit, & Valentiniū ex obedientia suscepit. A senectute: quia Archiepiscopus factus, viginti quatuor millia aureorum quotannis, excepta pecunia, & tritico diuinitus aucto, nec retento lectulo, in quo iam iam moriturus iacebat, egenis distribuit. Quæsiuit autem quæ sunt Iesu Christi: quia salutem animarum, quæ Dei sunt, vigilantissimè conquisiuit. Operarios misit ad Indos: Concilio Tridentino etiam absens profuit: Ecclesiasticam disciplinam restituit. Prædicatione, ieiunio, oratione, proprioquè effuso sanguine, animas Deo lucrari fatigat. Delicta Ecclesiasticorum in se puniens, & semetipsum pro illis hostiam Deo offerens, suo cruore emendauit. Tantoquè amore in Deum exarsit, vt aliquando per duodecim horas in extasi conuersaretur in coelis: vnde consueuerat dicere: Anima mea renuncia libertati: vertito in naturam, vt toto pondere properes in Deum tuum: Ex quo tanquam carbo igitus, lucerna ardens, cereus accensus, in Dei amore totus consumptus est. Quare censeo, tutò posse à Sanctitate Vestra inter Cœlitès solemnibritu numerari. Idque cedit in maximam Dei gloriam: in Ordinis Episcopalis ornamentum: in Religionis Augustinianæ singulare beneficium: in totius Ecclesiæ adificationem: Principum Christianorum pacem: & quam peperit Canonizatio Sancti Nicolai sub Eugenio, dabit Canonizatio Sancti Thomæ sub Alexandro.

Tiburtius Bolina Episcopus Ifernien.

Beatissime Pater. Pastor bonus ille Thomas à Villanoua humilis & pauper, diues Cœlum ingressus est: quia pingues redditus Ecclesiæ suæ Valentiniæ, quos patrimonium pauperum appellabat, in cœlestes thesauros manus eorum deportauerunt: vnde adhuc tanta charitate inflammatus semper vixit, vt cuidam pauperi lectulum, in quo iam iam animam Deo daturum se sperabat, alacritè sit elargitus: qua re delectatus Deus voluit tam amplianda annona, quam alijs huiuscemodi prodigiosis signis, Sanctitati Vestræ argumentum præbere, vt illum Sanctorum numero adscriberet, sicuti supplex deprecor adseribi, cum Christi Domini Nostri paupertatem tam enixè sit imit-